

Sa'-Sa' Tun Aku Menegbuk Pegawai



Uni Begak

Sa'-Sa' Tun Aku Menegbuk Pegawai

Uni Begak

Cerita dalam bahasa Begak

Tilis bio likis

Bellu Tawid

This publication has been funded by
the Begak Language Association.


Buk ano nong allom uni Begak beillan
gittan ssin bigkay Persatuan Bahasa
Begak.

Beillan tahun 2 0 0 4


Kemmi malu' megsukur nong iro gamo
Jong-Dae Lee, ulun S.I.L., ngod ka
miro menabang tu mengallan buk ano.




Tua' di' ebpung aku ton ganta' da
talow, missan sidtu mengingog
tuan-tuan bio pegaway-pegaway
nong ilun roit no, bay pella' aku.
Bio missan patar pejabat no pon
atow ku baya'.



Suga' tiu' di da pessit aku di, pog
da sawot angka' ku, malu' mengurus
kad anak ku Linus nei, temokkor
tun kat ku keiy ponow murus
gerunay ku. Ngod da dugor aku
anak ku nei bay gajo, suga' apon
akay kad dan.




Jadi panow kat ku keiy di' Lad Datu
mengurus kad anak ku nei. Sollot
no, nong allom sebulan no itung
tunggal meduo, mentellu mangkat
aku panow di' Lad Datu adi, da akay
kiro-kiro duo tahun gedino, ino
baya' da purus kad anak ku di.



Adoy tiksa' ku ton apon atow ku
lebpo, da nong keiy aku nei nong
pegaway musu', da nong keiy aku nei
nong pegaway temiru,' bio aku nei
sollot no mangan, sollot no apon
mangan, da sidtu menangka' buntas
sija' aku' nei oktu adi.




Suga' megsukur tu aku nong Murip,
ngod alassu' tu aku mengurus kad
anak ku di. Aballan tu kad anak ku
di, nirus ku gerunay.



Oktu adi, pog ttan ku pegawai no,
ganta' da pella' aku, bio da sorap.
Suga' allom gerawo ku, kemo pon ku
missa' nong atay egkot no, da tuso
la, kemo allom gerawo ku. Suga'
tobop kat ku keiy gedino ponow
tugbuk pegawai no.




Suga' apon begko busu', gam begko da mengay surat ku nei bio da mengasso. Pog ebpos ino da meniru' nakon bio uni tun begko. Ino baya' da sannang keiy atay ku, apon lebpo aku pella'.



Jadi da mulai sakko nong aku apon
lebpo pella' menegbuk pegaway.

Bio da mumu tu aku maya' beguru
nong gereija' atow maya' seminar
nong gereija'.



Bio da pasod tu bangso satu abur ku
gegayug, ageraman bio aku. Bio da
mumu tu aku maya' buruy pantun di'
leguan ulun pasod.

Ino baya' da mulai sakko nong aku
da mulai geraman tu, apon lebpo
talow tun atow pella' tun. Bio da
pusu'-pusu' tu ittoy gedino nei.

